

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **MIŠLJENJE**

**Po zahtjevu privrednog subjekta M-BL d.o.o. Banja Luka o obavezi podnošenja  
prijave koncentracije**

**Sarajevo  
Januar, 2011. godine**



Broj: 01-26-7-852-2-I/10  
Sarajevo, 18.01. 2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta M-BL d.o.o. Banja Luka, Aleja Sv. Save 69, 78000 Banja Luka, Bosna i Hercegovina, zaprimljenog od strane Konkurencijskog vijeća dana 15.12.2010. godine, pod brojem 01-26-7-852-I/10, Konkurencijsko vijeće, na 7. (sedmoj) sjednici održanoj dana 18.01. 2011. godine, je donijelo

## **MIŠLJENJE**

Privredni subjekat M-BL društvo za trgovinu na veliko i malo d.o.o. Banja Luka, Aleja Sv. Save 69, 78000 Banja Luka, Bosna i Hercegovina, (u daljem tekstu: Podnosilac zahtjeva ili M-BL), podnio je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 15.12.2010. godine pod brojem 01-26-7-852-I/10.

Podnosilac zahtjeva traži mišljenje Konkurencijskog vijeća, da li je u obavezi podnijeti prijavu koncentracije, u smislu Zakona o konkurenciji.

M-BL je društvo upisano u registar Osnovnog suda u Banja Luci, sada Okružnog privrednog suda u Banja Luci, u registarskom ulošku broj MBS 1-17032-00. Osnivač i vlasnik 100% udjela u osnovnom kapitalu društva je Poslovni sistem MERCATOR d.d. Ljubljana, Dunajska cesta 107, Ljubljana, Republika Slovenija.

MERCATOR d.d. Ljubljana, vršeći ovlaštenja iz nadležnosti skupštine društva M-BL, odlučio je da prenese dio udjela u osnovnom kapitalu društva, tačnije 40% udjela, privrednom društvu za poslovne usluge MERCATOR-S d.o.o. Novi Sad, Republika Srbija.

Jedini osnivač i vlasnik 100% udjela u osnovnom kapitalu privrednog subjekta MERCATOR-S d.o.o. Novi Sad je Poslovni sistem MERCATOR d.d. Ljubljana.

Članom 12. stav (1) Zakona o konkurenciji je propisano šta se smatra koncentracijom.

Na osnovu navedenih podataka utvrđeno je da je privredni subjekt MERCATOR d.d. Ljubljana većinski vlasnik privrednih subjekata M-BL i MERCATOR-S d.o.o. Novi Sad

iz čega slijedi da se ne radi o koncentraciji u smislu Zakona o konkurenciji, nego o prenosu udjela u kapitalu između povezanih lica, a u okviru iste grupe.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog i činjeničnog stanja ovo mišljenje se ne može primijeniti.

**Predsjednik  
dr. Stjepo Pranjić**